



*«Նոր ժամանակի կրթություն»*  
*ՀԿ*

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ

Հետազոտության թեման՝ Էպոսի դերը հայրենասիրության և  
արզգային արժեհամակարգի ձևավորման գործընթացում

Առարկան՝ Գրականություն

Հետազոտող ուսուցիչ՝ Է.Գլջյան

Ուսումնական հաստատություն՝ Երևանի համար 101 միջն դպրոց

Թեմա՝ Էպոսի դերը հայրենասիրության և արզգային արժեհամակարգի ձևավորման գործընթացում

Հարց՝ Ի՞նչ է հայրենասիրությունը և ինչպես այն դաստիարակել գեղարվեստական ստեղծագործության միջոցով:

Ինչպես հարստացնել սովորողների արզգային արժեհամակարգը:

Հետազոտության նպատակը՝

Նպատակը---Այս թեմայի հետազոտության նպատակն է ուսումնասիրել և ներկայացնել էպոսում արտահայտված գաղափարները՝ մասնավորապես և արզգային արժեհամակարգը

2 .,Սասունցի Դավիթ,, էպոսի ուսումնասիրմանը զուգահեռ մշակել և փորձարկել բնագրային մի շարք տարրերի ուսուցման այնպիսի , մեթոդներ ու միջոցներ որոնք կնպաստեն սովորողների հայրենասիրության և արզգային արժեհամակարգի ընկալմանն ու ձևավորմանը :

Նշված նպատակին հասնելու համար առանձնացնել հետևյալ խնդիրները՝

Ուսումնասիրել---- ,Սասունցի Դավիթ,, էպոսի ընդգրկվածությունը գրականության դասագրքում.

ՈՒՈՒՄՆԱՍԻՐԵԼ----- էպոսի լեզվական առանձնահատկությունները որպես արզգային ինքնության և արժեհամակարգի ընկալման միջոց .  
ԲՈՎԱՆԴԱԿՈՒԹՅՈՒՆ

1.Ներածություն-----4 էջ

2.Սասնա ծռեր էպոսի գրական մշակույթները-----6 էջ

3.«Սասունցի Դավիթ» էպոսի դերը արժեքային համակարգի ձևավորման գործում  
-----9էջ 4. <<Սասունցի

Դավիթ>> էպոսի դերը հայրենասիրության ձևավորման գործում-----  
-----15էջ

5Գործնական աշխատանք -----18 էջ

|                                |       |
|--------------------------------|-------|
| Եզրակացություն-----            | 20 էջ |
| Օգտագործված գրականության ----- | 21 էջ |

## ՆԵՐԱԾՈՒԹՅՈՒՆ

Աշակերտներին հայրենասիրության ոգով դաստիարակելու և նրա մեջ ազգային արժեհամակարգ ձևավորելու գործում կարևորվում են բազմաթիվ գործոններ՝ կրթությունը, մշակույթը, լեզուն, ընդհանուր ծագման գաղափարը, պատմությունը, առասպելաբանությունը, կրոնը և այլն:

Հատկապես կարևոր է անհատի մոտ ազգային ինքնագիտակցության ձևավորման պրոսեցը սկսել վաղ՝ դպրոցական տարիքից: Դպրոցական ծրագրով

նախատեսված որոշ առարկաների միջոցով (հայոց պատմություն, հայոց լեզու և հայ գրականություն) փոխանցվում են հայ ժողովրդի պատմության հերոսական էջերը, ազգային մշակութային առանձնահատկությունները:

Հայ ժողովրդական բանահյուսության մեջ հատկապես առկա են դրվագներ, որոնցում վառ են ներկայացված հայրենասիրության և ազգային արժեհամակարգի գաղափարները:

Նման կարևորագույն դրվագներից է ժողովրդական բանահյուսության հիման վրա ստեղծված «Սասնա ծռեր» (կամ «Սասունցի Դավիթ») հայ ժողովրդի ազգային էպոսը (դյուցազնավեպ):

Այն ձևավորվել է VIII-X դարերում տեղի ունեցած պատմական մեծ իրադարձությունների ընթացքում՝ որպես արաբ զավթիչների դեմ հայության մղած տևական պայքարի և նվաճված անկախության գեղարվեստական արտահայտություն: Էպոսն արտացոլում է հայ ժողովրդի հավաքական մտածողությունը, նրա կենսասիրությունն ու բարոյական ըմբռնումները, ազատասիրական ոգին, բացահայտում է հայ ժողովրդի բոլոր ազգային գծերը՝ ազնվություն, արդարություն, բարություն և քաջություն: Էպոսն առանձնահատուկ է նաև նրանով, որ հերոսական անպարտելի ոգի ունեն բոլոր չորս ճյուղերի բոլոր գլխավոր հերոսները: Առասպելական հերոսներն իրենց ուրույն ուժով և համարձակությամբ պատրաստ են ցանկացած գործի՝ իրենց ժողովրդին փրկելու համար:

Քանի որ ազգային ինքնության դրսևորումները հատկապես վառ և տպավորիչ են ներկայացված հայոց դյուցազնավեպում, ապա ժամանակակից սերնդի բարոյախրատական դաստիարակության, հայրենասիրության և ազգային արժեհամակարգի ձևավորման համար չափազանց կարևոր է կրթական գործընթացում ժողովրդական էպոսի լիարժեք կիրառությունը:

«Սասունցի Դավիթ» էպոսի, ուսուցումը և յուրացումը եղել ու մնում է հայ դպրոցի ուսուցչի հիմնական խնդիրներից մեկը: Էպոսի համահավաք բնագրի յուրացումը պարտադիր է ոչ միայն դպրոցի աշակերտների համար՝ հայրենասիրության և ազգային արժեհամակարգի ձևավորման խնդիրները լուծելու, այլև համալսարանների բոլոր ֆակուլտետների ուսանողության համար, որովհետև

դրանք բոլորը պատրաստում են ապագա ուսուցչին, որն իր ազգային մտածողությամբ ու համամարդկային ընկալումներով առաջադեմ լինելու պարտավորվածություն ունի:

Թեմայի կարևորությունը կայանում է նրանում, որ բացահայտվում են էպոսը հայրենասիրություն և ազգային արժեհամակարգ ձևավորող հզոր գործոն դարձնող պատճառները: Էպոսը՝ որպես ժողովրդական բանահյուսության օրինակ, ունենալով որոշակի կառուցվածք, իր մեջ կրում է ինֆորմացիայի փոխանցման տարբեր մեխանիզմներ՝ համեմատությունների, նկարագրությունների, մեկնաբանությունների տեսքով: Դրանք երևում են որոշ կարևորագույն դրվագներում՝ որոնք ունեն կոնկրետ բարոյախրատական կոնտեքստ և որոնց վրա հատկապես պետք է կենտրոնանալ՝ դպրոցում էպոսի ուսուցումը և յուրացումը կազմակերպելու համար: Աշխատանքում որոշակի անդրադարձ է արվել այդ դրվագներին: Փորձ է արվում նաև լուծում տալ դպրոցում էպոսի յուրացման բարդություններին:

Աշխատանքի նպատակն է ցույց տալ, որ «Սասնա ծռեր» էպոսի միջոցով հայ անհատի (աշակերտ, ուսանող, ուղղակի ընթերցող) մեջ հնարավոր է դաստիարակել հայրենասիրություն և ազգային արժեհամակարգ: Հնարավոր է, որ էպոսի ուսուսման հիմնական շրջանում առաջանա առավել խորությամբ ուսուսման հիմնական հայ ազգի էթնիկ, մշակութային առանձնահատկությունները՝ հայի ինքնատիպությունը բացահայտելու համար: Այդ ինքնատիպության կոլեկտիվ պահպանումն էլ կհանդիսանա այն հզոր հիմքը, որի վրա հետագայում անհատը կկարողանա կառուցել զարգացած հայկական պետությունը:

## ԳԼՈՒԽ 1

### „ՍԱՍՆԱ ԾՌԵՐ,, ԷՊՈՍԻ ԱՌԱՋԻՆ ԳՐԱՌՈՂՆԵՐԸ ԵՎ ՄՇԱԿՈՂՆԵՐԸ

Հայերը սիրում են լեգենդներ հյուսել: Դարերի ընթացքում ստեղծել բազմաթիվ առասպելներ և լեգենդներ, որոնք հարստացրել են հայ գրականությունը: Մեր ժողովրդի պատմությունը ճանաչել է բազմաթիվ տաղանդավոր պատմաբաններ, գրողներ և բանաստեղծներ, սակայն գրողների հետ միասին, ժողովուրդն էլ հյուսել է լեգենդներ, որոնք տարածվել են բանավոր խոսքի միջոցով:

Հետագայում ,որպեսզի ժամանակի ընթացքում մոռացության չմատնվեն, այդ լեգենդներից շատերը գրանցվել են տարբեր գրողների

կողմից:Հայկական ամենահայտնի լեգենդներից մեկը Սասունցի Դավիթի պատմությունն է:,,Սասունցի

Դավիթը,,հայ ժողովրդի ազգային էպոսն է՝ հիմնված բանահյուսության վրա:

„Սասնա ծռերը ,, հայ ազգային էպոսն է ,ստեղծվել է միջնադարում՝ արաբական արշավանքների ժամանակ: «Սասնա ծռերը» հայտնաբերել և ամբողջությամբ գրառել է Գարեգին Սրվանձտյանը, 1873-ին: Էպոսի գաղափարը հայ ժողովրդի հերոսական պայքարն է թշնամիների դեմ:«Սասնա ծռերը» բաղկացած է 4 ճյուղից, որոնցից յուրաքանչյուրը կոչվում է հերոսների անունով՝ «Սանասար և Բաղդասար», «Մեծ Մհեր», «Սասունցի Դավիթ» և «Փոքր Մհեր»:«Սասնա ծռերի» ամենաբնորոշ գիծը հայ դյուցազունների անպարտելիությունն է: Իր սիրելի հերոսներին ժողովուրդն անվանել է «ծռեր», այսինքն՝ խենթ քաջեր: Նրանք աչքի են ընկնում գեղեցկությամբ, դյուցազնական ուժով ու զորությամբ, որը ստանում են մայր բնությունից, հայրենի հողից ու ջրից: Սասնա հերոսները որքան էլ ատում են բռնությունն ու ստրկությունը, կռվում թշնամիների դեմ, բայց ամենևին դաժան ու անհոգի չեն:Նրանք կռվում են միայն իրենց հայրենի հողը պաշտպանելու համար,երբեք իրենք չեն հարձակվում ուրիշի վրա:Էպոսը իր մեջ կրում է խաղաղության,ընտանիքի,մեծին հարգելու գաղափարը,որի համար 1964թ. Էպոսը վիպերգերի միջազգային մրցույթում ճանաչվել է լավագույնը: Էպոսի ամբողջական, մշակված տարբերակը 1939թ. թարգմանվել է ռուսերեն, թարգմանվել է նաև ֆրանսերեն, չիներեն, անգլերեն, գերմաներեն, վրացերեն, ադրբեջաներեն և այլ լեզուներով:

«Սասնա ծռերը» հայտնաբերել և ամբողջությամբ գրառել է Գարեգին Սրվանձտյանը 1873ին, Մշո Առնիստ գյուղում, երեսփոխան Կրպոյից և հրատարակել Կոստանդնուպոլսում «Գրոց ու բրոց և Սասունցի Դավիթ կամ Մհերի դուռ» : Երկրորդ տարբերակը 1886-ին Էջմիածնում գրի է առել Մանուկ Աբեղյանը՝ Նախո քեռի Մոկացուց և հրատարակել Շուշիում«Դավիթ և Մհեր» :Նորանոր տարբերակներ են գրառել Գ.Հովսեփյանը, Խ.Դադյանը, Ս.Հայկունին, Ա.Աբեղյանը, Ե. Լալայանը, Կ.Մելիք–Օհանջանյանը, Ա.Ղանալանյանը և ուրիշներ:

1938-1939 թթ. «Սասնա ծռերի» 1000-ամյա հոբելյանի առթիվ մինչ այդ գրառված 60ից ավելի պատուհների հիման վրա, Մ.Աբեղյանի, Գ.Աբովի, Ա.Ղանալանյանի խմբագրությամբ հյուսվել-կազմվել է մեկ միասնական համահավաք բնագիր «Սասունցի Դավիթ» : Վեպի մեկ այլ համահավաք բնագիր է կազմել Տ.Չիթունին Փարիզում «Սասունական»: «Սասնա ծռեր» դյուցազներգությունը ոգևորել է մեր շատ գրողների, ովքեր այդ նյութով գրել են ինքնուրույն պոեմեր: Դրանցից են Հովհաննես Թումանյանի «Սասունցի Դավիթը» (1902), Ավետիք Իսահակյանի «Սասնա Մհեր»-ը (1917-1937), Եղիշե Չարենցի «Սասունցի Դավիթը» (1933): «Սասունցի Դավիթ» ճյուղը թատերգության են վերածել Հակոբ Օջականը (քնարախառ)՝ կրելով Թումանյանի ակնհայտ ազդեցությունը, Վահան Թոթովենցը, Վաղարշ Վաղարշյանը: Այն արձակ վերապատմել է Նաիրի Զարյանը: «Սասնա ծռերը» ժամանակին ցանկանում էր մշակել Դանիել Վարուժանը: Փոքր Մհերի կերպարը ոգևորել է Հրանտ Մաթևոսյանին: Դյուցազներգության նյութով ստեղծված բոլոր գործերի մեջ լավագույնը Հ. Թումանյանի „Սասունցի Դավիթ „պոեմն է, որ նախատեսված էպոսին զուգընթաց անցնել իններորդ դասարանում: Պոեմն „ստեղծվել է հատկապես դեռահասների համար :Թումանյանն ինքը, լինելով մեծ մարդասեր, կարողացել է շատ խոր թափանցել մեր ազգային վեպի մարդասիրական տարերքի մեջ: Այս վերջին առումով էպոսի հերոսներից ամենամբողջականն ու լիարժեքը Դավիթն է, ուստի և նրան է դիմել բանաստեղծը կատարյալ մարդու, մարդկային կատարյալ հարաբերությունների մասին սեփական պատկերացումներին մարմին տալու համար:Ամենայն հայոց բանաստեղծը ամբողջ կյանքում, իր ողջ ստեղծագործության մեջ հոգեպես ապրել է,, հաշտ ու խաղաղ մարդկության,,մեծատառով Մարդու երազանքով և այդ երազանքը

մարմնավորված է տեսել մեր էպոսում՝ հանձին Դավիթի:

Թումանյանի պոեմում Դավիթը նման է և նման չէ իր էպոսային նախատիպին նա ավելի շուտ բանաստեղծի ներքին մարդն է: Պոեմում հատուկ շեշտվում է Դավիթի ազատասիրությունը,մարդասիրությունը,ազնվությունը,ուղղամտությունը,քնարակ ակն խառնվածքը մանկական պարզամտությունը անհաշտ վերաբերմունքը ամեն տեսակի բռնության նկատմամբ: Ինչպես էպոսում , այնպես էլ,, Սասունցի Դավիթ,,

պոեմում հաղթողը մարդկային- սկզբունքն է ,անմարդկայինը հակաբնական է և դատապարտված է պարտության: Բայց թումանյանական խոր կենսափմացությունը չէր կարող շրջանցել այն

## ԳԼՈՒԽ 2.

### ՍԱՍՆԱ ԾՌԵՐ ԷՊՈՍԻ ԳՐԱԿԱՆ ՄՇԱԿՈՒՄՆԵՐԸ

«Սասունցի Դավիթ» էպոսի դերը ազգային արժեհամակարգի ձևավորման գործում Դպրոցում գրականություն առարկայի դասավանդման հայեցակետը սահմանում է առարկայի տեղը ուսումնական այլ առարկաների շարքում ... Գրականության



ուսումնասիրությունը սովորողի բառապաշարի հարստացման, պատկերավոր մտածողության, երևակայության ու ստեղծագործական կարողությունների զարգացմանը և գրական ճաշակի ձևավորմանը զարգացման գույքնթաց աշխարհաճանաչողության, ինքնաճանաչման, ինքագնականահատման ու ինքնակատարելագործման արդյունավետ միջոց է և մեծապես նպաստում է բարձր բարոյական, գծերի՝ պատասխանատվության, հայրենասիրության, քաղաքացիական պատասխանատվության, մարդասիրության, կարեկցանքի ու հանդուրժողականության, ընկերասիրության և սոցիալ-հոգեբանական այլ արժեքների արմատավորմանը, զգացառուական գաղափարական դաստիարակությանը ,

1: Գրականության դասավանդման հիմնական նպատակներից մեկը ,բացի սովորողներին զուտ գրական երևույթներին ծանոթացնելուց , անհատի հոգևոր ու մտավոր զարգացմանը , անձի արժեքային համակարգի ձևավորմանը նպաստելն է : Այս խնդրի իրականացման համար ամհրաժեշտ է սովորողին հաղորդակից դարձնել հայ ժողովրդի հոգևոր ժառանգությանը ,ազգային ու ,համամարդկային իդեալներին ու ձգտումներին , գրական հերոսների օրինակով և գրական երկերի գաղափարագեղարվեստական հարստության օգտագործումով նրանց մեջ դաստիարակել մարդասիրական ոգի , ինքնաճանաչում և այլն, այսինքն՝ ձևավորել բարոյական բարձր արժեհամակարգ: Հաշվի առնելով ժողովրդական բանահյուսության, մասնավորապես՝ էպոսի դերն ու նշանակությունն ազգային ինքնաճանաչողության գործում հետազոտության մեջ ուսումնասիրության առարկա է դարձել «Սասնա ծռեր» էպոսը: Հայկական էպոսում արտահայտվել է հայի հավաքական կերպարը իր բոլոր ներքին հակասություններով, սխրագործություններով ու դավաճանություններով, մեծագործություններով ու ազգադավ անտարբերությամբ, օտարամոլությամբ ու անմասնորոն նվիրումի արտահայտություններով: էպոսի հերոսների կերպարներում հայ մարդու հոգեկերտվածքի յուրահատկությունները դրսևորվել են դիցաբանական սյուժեների «զգեստավորմամբ», այլաբանական դիպվածներով և ծածկագրված խորհուրդներով, որոնք կարոտ են գաղտնագերծման և բազմակողմանի քննության: Հայկական էպոսում արտացոլվել են հայոց բարոյական արժեհամակարգի անկյունաքարային

գաղափարները, արժարժվել մարդասիրական բազմաթիվ հիմնախնդիրներ, որոնց ուսումնասիրությունն արդիական է ժամանակակից քաղաքակրթական շարժընթացների համատեքստում: Էպոսում արտացոլված են ազգային ինքնության գծերը, որոնց բացահայտումը կարող է հնարավորություններ ընձեռնել քաղաքակրթական արդի հիմնախնդիրների իմաստավորման, մերօրյա իրականության բազմաթիվ թերությունների ախտորոշման և հաղթահարման համար: Հումանիտար տարբեր գիտությունների հետազոտողներն ընդգծում են Էպոսի էական նշանակությունն ազգային արժեքների ձևավորման ու պահպանման գործում փաստելով ազգային ինքնության արդիականացման և նորոգման բարդ գործընթացում այդ հավաքական և բացառիկ ստեղծագործության մեծ դերը: Հիմնախնդրի գիտական մշակվածությունը: Չնայած հազարամյակների պատմություն ունենալուն հայկական էպոսը, որը հայտնի է «Մասնա ծոեր» կամ «Մասունցի Դավիթ» անվամբ, գիտական ուսումնասիրությունների առարկա է դարձել միայն սկսած 19- րդ դարավերջից: Դյուցազնավեպը սկզբնավորվել է Մասունում ,բայց աստիճանաբար տարածվել է ամբողջ ժողովրդի մեջ և դարձել համազգային: Դավթի կերպարում մարմնավորվել են իրեն ծնող ժողովրդի ազգային հատկանիշները :

„Մասունցի Դավիթ», Էպոսը ամբողջովին ժողովրդական է ոչ միայն նրա համար ,որ կենսունակ ապրում է ժողովրդի բանավոր պատմության մեջ .Էպոսը ինչպես ճիշտ նկատել է Հ.Օրբելին, ժողովրդական է,քանի որ նրա հերոսների աշխարհագրագությունն անխզելիորեն կապված է բուն ժողովրդի հետ : Հայկական էպոսի հերոսները դուրս են եկել ժողովրդի միջից և մշտապես կապված են փասցել նրա հետ : Նրանց բարքերը սովորությունները հասարակ մարդկանց , ժողովրդի կենցաղն է :Ժողովրդի հետ սերտորեն առնչված , պարզ ումիամիտ , բայցմծապես արդարամիտ լինելով՝միաժամանակ դրսևորում են ազնվականին հատուկ արժանապատիվ կեցվածք :

Դավթին տեսնում ենք գութանի ու գութանավորների հետ: Հյուրասիրվելով գութանավորների մոտ՝ Դավիթը սպառում է նրանց մեկ շաբաթվա սննդի պաշարը, որի պատճառով ստեղծվում է դժվարին կացություն: Դավիթը նրանց ազատում է

հոգսից՝ վեց օրվա վարը մի քանի ժամում կատարելով<sup>1</sup>: Մարդու գոյության կարևոր նախապայմաններից մեկը հացն է, որը ստացվում է երկրագործի ծանր աշխատանքի փիջոցով: Աշխատանքը, գութանը ներկայանում է իբրև գոյության հիմք, իբրև առատության աղբյուր, այն ընդհանուր հարգանքի ու մեծարման է արժանանում: Պատահական չէ, որ հնուց եկող ավանդությամբ հայ ժողովրդի բանահյուսության մեջ աշխատանքին ձոնված երգերի մեծ մասը կազմել են գութանին, վար ու ցանքին, բերքահավաքին նվիրված երգերը: Դյուցազնավեպում ,ժողովուրդը կյանքի իմաստը տեսնում է խաղաղ աշխատանքի մեջ: Ատելությամբ է վերաբերվում թալանով, կողոպուտով ապրողների նկատմամբ: Արդար աշխատանքով, սեփական քրտինքով հաց վաստակելը ներկայանում է որպես սկզբունք, որպես միակ ընդունելի փիջոց: Հայկական էպոսում լայն տեղ է տրվում հնից ժառանգած և հայժողովրդի համար ավանդություն դարձած կյանքի երևույթներին, դարերի ընթացքում ձևավորված, նրան հարազատ դարձած, նրա կենցաղի մեջ մտած ազգային սովորություն դարձած մարդկային հատկանիշներին: Դրանցից են ընտանիքի մեծի նկատմամբ խոր հարգանք ունենալը, նրան ենթարկվելը, անչափահաս ժառանգին հորեղբոր, մորեղբոր կողմից խնամելը, ապա նրա հովանավոր, խորհրդատու դառնալը, փորձով իմաստնացած մեծահասակ մարդկանց խորհուրդներին լսելը: Դավիթը քանիցս ականջալուր է լինում կորեկի արտի տեր պառավ հայ կնոջ խորհուրդներին և մշտապես հաջողության է հասնում: Նա երբ անխնա կոտորում էր Մըսրա Մելիքի զորքին, յոթ տղաների հետ կռվի դաշտ բերված գլխաբաց արաբ ծերունին խնդրանքով դիմում է Դավթին և դադարեցնել է տալիս կոտորածը:

«Սասունցի Դավիթ» էպոսի առանձնահատկություններից մեկն էլ այն է, որ նրա հերոսները թշնամու դեմ մենակ են հանդես գալիս: Մյուս ժողովուրդների էպոսների հերոսները, որպես կանոն, զորքով են կռվի մեջ մտնում: Հայկական դյուցազնավեպում դավաճանություն չենք տեսնում: Պատմական անցյալում

---

<sup>1</sup> Ասաց,– դուք էստեղ քիչ մի նստեք, ես կելնեմ,  
էն վեց ավուր գութան Մեկ ժամվա մեջ կանեմ:

Հայաստանում առանձին նախարարների, իշխանների կողմից նման դեպքեր եղել են, բայց քանի որ դավաճանությունն ընդհանուր առմամբ անհարիր է հայ ժողովրդի ոգուն՝ էպոսում տեղ չի գտել: Տարբեր ժողովուրդների էպոսներում կինը հաճախ դավաճանի կամ դատապարտելի արարքների հեղինակ է հանդես գալիս: «Սասունցի Դավիթ» էպոսում, ընդհակառակն, կինը երևան է գալիս անձնագոհ մարդասիրությամբ: Թագավորի դուստր Ծովինարը, տեսնելով, որ խալիֆի հարսնացու դառնալուն համաձայնություն

չտալով երկիրն ավերվելու է, ժողովուրդը՝ կոտորվելու, գնում է ինքնագոհության: Հայ կինը էպոսի հերոսների նման ու նրանց կողքին հայրենասիրության, ժողովրդավարության վառ օրինակ է տալիս: Ժողովրդական վիպերգությունները, ինչպես նշում է Հ. Թումանյանը, որքան էլ ազգային լինեն, համամարդկային շատ գծեր ունեն: Հայկական էպոսում բավականաչափ ցայտուն է արտահայտվել այդ հանգամանքը: Ազատության գաղափարը էպոսում սահման չի ճանաչում, չի պարփակվում իր ժողովրդի շրջանակներով, այլ հնչում է որպես համընդհանուր գաղափար, դառնում սրբություն: Ահա դրա մեկ օրինակը. Դավիթը քանդում է հոր որսատեղի պարիսպները և ազատություն է տալիս անգամ որսի կենդանիներին: Ժողովուրդների համերաշխության գաղափարը կարմիր թելի նման անցնում է ամբողջ դյուցազներգության միջով: Մըսրա Մելիքի սպանությունից հետո Դավիթը նրա գորքին որևէ պահանջ չի առաջադրում, ոչ էլ հալածում է, այլ խաղաղ կյանքով ապրելու հորդոր է անում: Էպոսում չկա կրոնական անհանդուրժողականություն, կոիվը գնում է այլ դավանանք ունեցող օտարերկրացու դեմ: Թշնամու դեմ պայքարը գնում է ոչ թե դավանանքի, այլ նրա հարկային ծանր բեռը թոթափելու, ազատ ապրելու համար: Կրոնական տարբեր դավանանքին որևէ նշանակություն չի տրվում: «Սասունցի Դավիթ» էպոսը օտար բռնակալության դեմ հայ ժողովրդի դարավոր պայքարը ներկայացնող էպիկական հուշարձան է, աշխարհի էպիկական ստեղծագործությունների շարքում լավագույն հուշարձաններից է: Լայն ընդգրկումով, կառուցվածքի ամբողջականությամբ, ժողովրդավարությամբ, ազգային ոգին համակողմանիորեն արտահայտելու հատկանիշներով առանձնանում է շատ ժողովուրդների դյուցազնավեպերից: Հայկական էպոսի նշված հատկանիշները համամարդկային բնույթ ունեն, որոնք ձևավորվել, մշակվել են

դարերի ընթացքում և բնորոշ են հայ ժողովրդին: Պատմության հոլովույթում օտարերկրյա հզոր ուժերը հաճախ ավերել են մեր երկիրը, ոչնչացրել պատմական հուշարձանները, հոգևոր և աշխարհիկ շինությունները, բայց չեն կարողացել ընկճել հայ ժողովրդի՝ ազատության ձգտող կենդանի ոգին: Սա է «Սասունցի Դավիթ» հերոսական էպոսի հիմնական գաղափարը, նրա էությունը: Էպոսի գլխավոր նպատակներից մեկն էլ մարդասիրության դաստիարակումն է: Առաջին ճյուղում արդեն Սասունում հաստատված Սանասարն ու Բաղդասարը սկսում են կառուցել իրենց բերդը: Բայց սկզբում կացարաններ են պատրաստում աշխատավոր մարդկանց համար: Այդ քայլի նպատակը մարդասիրական է. Բաղդասար պատասխանեց.

-Առաջ շինենք զեղոնց տներ, Ու նոր շինենք զմեր բերդ.

Էդ խեղճ մարդեր չեն կարնա Արևուն առջև կենա:

Ու սկսեցին զտներ (էջ 34):

Էպոսում կա աշխատավոր մարդու նկատմամբ հատուկ պաշտամունք, և Սասնա դյուցազուններն ապրում են այդ գիտակցությամբ «Նրանց բնավորության ժողովրդական բնույթը սրանով չի ավարտվում: Նրանք պարզությամբ տիրապետում են ամենահամեստ արհեստների, բարեկամանում են խեղճերի հետ, կամովին ձեռք են մեկնում հոգնած գեղջուկներին, նույնիսկ, եթե նրանք ճանապարհին հանդիպած օտարականներ են: Հայկական էպոսում վիպական հերոսները փոքր հասակից չեն ստանում քիչ թե շատ համակարգված ռազմական (առնական) դաստիարակություն, ավելին, իրենք են մեծերից պահանջում իրենց ինչ-որ բան սովորեցնել: Այսպես, Մեծ Մհերը վանք-վարժատնում կարճ ժամանակ ուսանելուց հետո յոթ տարեկանում դիմում է մորը.

Մարե՛, հերիք էսպես փսամ.

Հրաման տու ինձ՝ էրթամ սարեր, քարեր շրջեմ,

Գազան ու հավք զարկեմ,

Մարդերու շարք մտնեմ :

Էպոսի տարբեր էջերում տեսնում ենք քրիստոնեական պաշտամունքի դրսևորումներ: Դրանց առաջին ապացույցներից մեկն այն է, որ Ծովինարը ձևական է ամուսնանում Բաղդադի խալիֆի հետ, որը մահմեդական էր (էպոսում՝ կռապաշտ), և քրիստոնեական կրոնը նման ամուսնություն չի թույլատրում: Ծովինարն իր հետ

օտար երկիր է տանում նաև քահանա՝ շեշտելով ցմահ քրիստոնյա փառալու ձգտումը: Ավելին, Ծովինարի խնդրանքով քահանան Բաղդադում Սանասարին ու Բաղդասարին հայերեն գրել-կարդալ է սովորեցնում. Սանասար ու Բաղդասար պետ կտրիճներ դարձան. Մերն ասաց քահանային. - Տե՛րտեր, Իմ տղաներին դաս տուր՝ կարդան:

Դաս էտու տղաներին.

Էնոնք գրել - կարդալ սովորեցին (էջ 13):

Քրիստոնեական կրոնի ցայտուն դրսևորում է նաև Սասնա դյուցազունների թևի վրայի եղած խաչը, որը, նայած հանգամանքների, գունավորվում է: Ինչպես նկատել են էպոսագետները, հայկական էպոսում առկա են հնագույն հավատալիքների հետքեր, հեթանոսական հավատալիքներ: Օրինակ՝ Մեծ Մարա Մելիքը և Մեծ Մհերը դաշն են կնքում, ըստ որի, յուրաքանչյուրի մահից հետո մյուսը նրա կնոջն ու երեխաներին պետք է խնամի, և այդ դաշինքը հաստատում են ոչ թե Ավետարանի կամ Ղուրանի վրա երդվելով, այլ իրենց մատների արյունը խառնելով.

Մատներ կտրին, արուն արնի խառնեցին, Պայման դրին, էղան աղբեր (էջ 117):

### ԳԼՈՒԽ 3.

ՍԱՍՈՒՆՑԻ ԴԱՎԻԹ» ԷՊՈՍԻ ԴԵՐԸ ՀԱՅՐԵՆԱՍԻՐՈՒԹՅԱՆ

ՁԵՎԱՎՈՐՄԱՆ ԳՈՐԾՈՒՄ

Մեր էպոսի հոյակապ հերոսները դարերի ընթացքում հայ ժողովրդի համար եղել են ոգևորության աղբյուր: Ժողովուրդը ներշնչվել է նրանից ու անձնուրաց կովել է իր

գոյության, հարատևության և իր հայրենիքի բարօրության և ազատության համար: Մեր երիտասարդ սերնդի համար Սասունցի Դավիթը նույն ներշնչանքը պիտի լինի, Դավթի պես բոցավառվի հայրենիքի համար անշահասեր արիությամբ և զինված զիտությամբ ու տեխնիկայով, ինչպես Դավիթն ու Միերն են զինված կայծակե թրով, սխրագործություններ կատարի իր սեփական ժողովրդի և ամբողջ աշխատավոր մարդկության ազատագրման և բախտավորության համար», - իր հողվածում գրում է Ավետիք Իսահակյանը: «Գրական թերթի» 1939 թվի սեպտեմբերի 15-ի համարում հայ արձակագիր, թարգմանիչ Հմայակ Ոսկանյանը (Սիրաս) իր «Արժանապատվություն, անձնուրացություն, հավատ» հոդվածում գրում է. ««Սասունցի Դավիթ» հերոսական էպոսի մեջ խտացված է հայ ժողովրդի բախտը, հայ աշխատավոր ժողովրդի ճակատագիրն՝ իր բոլոր առանձնահատուկ կողմերով, որին Հայաստանը ենթակա է եղել դարերի ընթացքում: Մեր էպոսը խորին արժանապատվության, անհասանելի անձնուրացության և պայծառ հավատի չքնաղ կերտվածք է: Եվ եզրակացությունն այն է, որ թշնամու դեմ պայքարելիս հայ ժողովուրդը միշտ պահել է սեփական արժանապատվությունը՝ երբեք չդավաճանելով հիմնական սկզբունքներին: Հանուն հայրենիքի պետք է կռվել անձնվիրաբար, առանց որևէ կողմսակի նկատառումների, սկսած գործը հասցնել մինչև վերջ: «Սասունցի Դավիթ» էպոսի բացառիկ արժեքներից մեկը նրանում արտահայտված գաղափարներն են: Բնականաբար, առաջատար գաղափարը հայրենասիրությունն է, որի մարմնավորողը հայ կինն է՝ Ծովինարը: Բաղդադի խալիֆի հարկահանները գալիս են՝ տանելու հարկը հայոց Գագիկ թագավորից: Ծովինարի գեղեցկությունը տեսնելով («Աղջիկ էնպես խորոտ, էնպես խորոտ»)՝ որոշում են խալիֆին համոզել հարկի փոխարեն կնության առնել Ծովինարին:

Խալիֆը պահանջում է Ծովինարին՝ զգուշացնելով, որ մերժման դեպքում կավերի Հայաստանը: Հարցի լուծումը գտնում է հայրենասեր Ծովինարը՝ կամովին իրեն զոհելով հանուն երկրի ու ազգականների.

Ծովինար խանում ասաց.

-Որ ես էն կռապաշտ թագավոր չառնեմ, Զամեն տի սպանի իմ պատճառով, Աղեկն էն է, ե՛ս էրթամ,

Ուրիշ մարդու թող բան չըլնի:

Ե՛ս մենակ մեռնիմ իմ հոր թերեւն. Ես մեկ ջան եմ, էրթամ, կորսվիմ,

Քանց մեր Հայաստան էրկիր ավերի,

Էն հազար-հազար հոգիք կորուսանիս:

Դարձավ ասաց. -Հայրի՛կ, ինձ տուր էնոր:

Էպոսի դյուցազունները խալիֆի զավակները չեն, նրանք ջրածին են, ավելին՝ ջուրը Հայաստանինն է: Մա շատ կարևոր դրվագ է: Ընդհանրապես հայրենիքը, հայրենի եզեր- քը խորհրդանշում են հողը, ջուրը, մարդու հարազատները:

Ծովինարը հայ միջնադարյան գրականության մեջ ունի նախատիպ՝ Տիգրանուհին՝ Տիգրան Երվանդյանի քույրը, որն իմանալով ամուսնու՝ Մարաց Աժդահակի նենգ նպատակները, ծածուկ սուրհանդակ է ուղարկում Տիգրանի մոտ և կանխում եղբոր դեմ նյութված դավադրությունը. «Իսկ խորագետ գեղեցկուհին, այս դավաճանությունը հասկանալով՝ սիրալիր խոսքերով պատասխանում է Աժդահակին և մտերիմների միջոցով շտապով եղբորը հայտնում է (Աժդահակի) նենգությունը»:

Հայոց ինքնության մեջ արմատավորված երևույթ է իրականությունը գերազանցապես բարոյականության դիրքերից, բարոյական հասկացություններով (պարտք, պատասխանատվություն, արդարություն, խիղճ, ամոթ և այլն) իմաստավորելն ու գնահատելը, սեփական բարոյական չափանիշներով մարդկանց վարքի, բարոյական այլ համակարգերի արժևորումը՝ ի հաշիվ վարքի կարգավորման ու գնահատման իրավական, քաղաքական, տնտեսական և այլ ձևերի: Եվ, որպես դրա հետևանք, հայոց ազգային նկարագրում տեսնում ենք՝ հումանիզմ առանց սահմանների, օտարամոլություն, թշնամու նկատմամբ չափազանց մեծահոգություն, անշրջահայացություն ու աններելի հանդուրժողականություն, անհիշաչար ու անձնուրաց վերաբերմունք և առհասարակ իշխելու, տիրելու կամքի բացակայություն: Հայկական էպոսում զարմացնում է իրենց երկրի պաշտպանության նկատմամբ սասունցիների դրսևորած անհոգ վերաբերմունքը: Այսպես, Սասունը շրջապատված է թշնամիներով, սակայն չունի ո՛չ զորք, ո՛չ զորավարներ, ո՛չ պաշտպանական կառույցներ, ո՛չ էլ լրջմիտ մարդիկ, ովքեր դրանց մասին կմտածեն: Հերոսները գալիս-գնում են, սակայն չի փոխվում Սասունի կարգավիճակը. Սասունը ժամում է որպես հարկատու երկիր, որովհետև չունի ո՛չ անկախ



իշխանություն, ո՛չ բանակ, ո՛չ էլ հզորանալու գաղափար: Այսինքն՝ հայն իր պատմության ընթացքում չի ցուցաբերել, չնչին բացառություններով, ուրիշներին իշխելու, կառավարելու, ուրիշներին ենթարկեցնելու ո՛չ կամք, ո՛չ ջանք, ո՛չ էլ ցանկություն:

Ներողամտությունը, հանդուրժողականությունը, թշնամուն ասելու 12 Կիրակոս Գանձակեցի, Հայոց պատմություն, Եր., 1982, էջ 148: 13 Ս. Ս. Գաբրիելեան, Հայկական ճգնաժամն եւ Վերածնունդին, 2-րդ հրատ., Պոսթոն, 1909, էջ 38: 12 անկարողությունը դժբախտաբար ուղեկցվում է իշխելու, նվաճելու, տիրելու կամքի բացակայությամբ:

Պատմությունը ցույց տվեց, որ նման բարոյական սկզբունքներով ու բարոյական արժեքներով, վարքագծով ու վերաբերմունքով առաջնորդվելիս ի վերջո չես կարող խուսափել կոտորածներից, ցեղասպանությունից և հայրենագրկությունից: Այսքանից հետո ինչո՞ւ զարմանալ ցեղասպանությունը վերապրած հայ մտածողի, քաղաքական գործչի պոռթկումի, Նիցշեի բառերով ասած՝ «բար Արաբ ծերունու խոսքերում տեսնում ենք հայ ժողովրդի՝ պատերազմը դատապարտող հավաքական խոսքը: Նախ, ծերունին բացատրում է, թե նրանք՝ այսինքն արաբ զինվորները, մարդիկ են: Մարդը մարդուն իրավունք չունի կյանքից զրկելու, բացի այդ, կա հարազատի կյանքի կորստի համար նրա արյունակիցների անանց վիշտը: Այդ զինվորներն ունեն ընտանիք, կին, երեխաներ. ո՛րն իր մոր մինուճար զավակն է, ո՛րն ընդամենը նոր է ամուսնացել, ո՛րն իր օջախի սյունն է, և բոլորին էլ Մսրա Մելիքը ուժով ու ստիպելով է բերել պատերազմ:

«Սասունցի Դավիթ» էպոսում հնչող ծերունու այս խոսքերն ասված են բոլոր ժամանակների համար. դրանք արդիական են նաև այսօր:

«Սասունցի Դավիթ» էպոսի դարավոր պատմությունն ապացուցում է, թե ինչպես է բանահյուսական այդ գանձը դարեր ի վեր ոգևորել հայ ժողովրդին, իշխել նրա մտքի ու սրտի վրա և հասել նոր ժամանակներին ու այսօր էլ իր գաղափարներով խիստ այժմեական է և հուզիչ:

## Գործնական աշխատանք

Խոսելով էպոսում արտահայտված ազգային արժեքների և գաղափարների մասին, վերլուծելով հերոսների արաքներն ու հասարակական վարքը՝ ուսուցիչը աշակերտներին ուղղորդում է խորհելու այդ գաղափարների և բարոյական արժեքների արդիականության մասին: Ուսուցիչը դասարանը բաժանում է խմբերի և նրանց բաժանում թղթեր, որոնց վրա գրված են նախապես էպոսից դուրս բերված հատվածներ: Դրանք հատուկ ընտրված հատվածներ են, որոնցում ցայտուն երևում են էպոսի հերոսների բնավորության կարևոր և ուշագրավ գծերը:

Առաջին խումբը, կարդալով հատվածը, պետք է ցույց տա, թե ինչ գաղափար է արտացոլված նրանում, առանձնացնում այն նախադասությունը, որը ցույց է տալիս ժողովուրդների վերաբերմունքը պատերազմների նկատմամբ:

Երկրորդ խումբը, կարդալով հատվածը, պետք է առանձնացնի այն նախադասությունները, որոնցում երևում է Դավթի միամտությունը և մեկնաբանի: Երրորդ խումբը պետք է կարդա հատվածը և մեկնաբանի, թե ինչ գաղափար է այն արտահայտում:

Չորրորդ խումբը, կարդալով հատվածը, փորձում է մեկնաբանել Դավթի արարքը: Հատվածները ամփոփում են էպոսում արտահայտված ազատաբաղձությունը, հայրենասիրությունը, ժողովուրդների խաղաղ գոյակցելու ցանկությունը, հայ ժողովրդի, միամտությունը, մարդասիրությունն ու աշխատասիրությունը, ինչպես նաև ընդգծում, որ մեր ազգային էպոսը մեր ազգային նկարագիրն է: Ուսուցիչը, հետևելով խմբերի աշխատանքին հավանություն է տալիս, գնահատանքի խոսքեր ասում կամ հարկ եղած դեպքում բարելավման ուղիներ առաջարկում:

Այնուհետև Ուսուցիչը թղթերի վրա ներկայացնում է հերոսների անունները, որոշ բնութագրիչ հատկանիշների հետ, իսկ աշակերտները պիտի կատարեն համապատասխանեցում: Ուսուցիչը հետևում է գործընթացին և գնահատում սովորողների աշխատանքները: Աշխատանքը կատարելուց հետո պարզ դարցավ, որ սովորողների մեծամասնությունը հասկացել էր նյութը:

Ստորև ներկայացնենք հետազոտության արդյունքները:

Արժեհամակարգի ձևավորումը էպոսի ուսուցման միջոցով Չի նպաստում


Նպաստում է արժեքների ձևավորմանը

Արդյունքը չի 27%

55%

18%

ընկալվում



## ԵԶՐԱԿԱՑՈՒԹՅՈՒՆ

Այսպիսով՝ էպոսը հնարավորություն է տալիս հասկանալու՝ ո՞վ ենք մենք, որտեղի՞ց ենք գալիս և ո՞ւր ենք գնում:

Նա նպաստում է սովորողների հայրենասիրության և ազգային արժեհամակարգի ձևավորմանը:

Բարոյական, գեղագիտական, ստեղծագործական արժեքներն ընկալելու համար անհրաժեշտ է, որ սովորողները

- մտածեն ընթերցած ստեղծագործության գաղափարական բովանդակության շուրջ.
- կարողանան վերլուծել և դատողություններ անել.
- ապրումակցել հերոսներին.
- գնահատեն նրանց արարքները
- համեմատեն իրենց և հերոսներին.
- ձգտեն կատարել բարոյական նորմերին համապատասխան գործեր

Հետազոտությունը ցույց տվեց, որ սովորողները կարդալով, վերլուծելով էպոսը, կտոգորվեն հայրենասիրությամբ, կճանաչեն մեր պատմությունը, մշակույթի գանձերը և կգիտակցեն, որ իրենք են այդ ամենի ժառանգորդը, պահապանն ու սերնդեսերունդ փոխանցողը:

## ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

- Աբեղյան Մ., Երկեր, հ. Ա, Ե., 1966, 420 էջ:
- Գյուրջինյան Դ., «Մատենիկ», ընթերցանության գիրք, Երևան, 2012, 305 էջ:
- Թիրաբյան Ն.Հ., «Կամար» Գրականության և կապուցման կենտրոնի անկախ պարբերաթերթ, Պեյրութ, 2016, 84 էջ:

- Զանփոլադյան Մ., - 1969, Թումանյանը և հայ ժողովրդական էպոսը, Երևան, 1969, 199 էջ:  
Զանփոլադյան Մ., - Սասունցի Դավիթ, առաջաբանը՝ Ս. Հարությունյանի, Երևան 1981: 6. Ղանալանյան Ա. «Սասունցի Դավիթ», Հայկական ժողովրդական էպոս, , Երևան, 1939, 383 էջ:
- Քյուրքչյան Ա., Տեր-Գրիգորյան Լ, Մ.Խերանյանի «Սասնա տուն» դյուցազնավեպի համառոտ վերապատմում, Երևան, 2015, 135 էջ
- –Բյուրք՝յան ԼԼ, Տեր-Գրիգորյան Ա., ճանաչեր երկիրը քո, Գիրք Գ, Ծաղկաքաղ հայկական հուշարձանների, Երևան, Էդիթ Պրինտ, 2012, 120 էջ:
- Քյուրքչյան Ա., Տեր-Գրիգորյան Ա., ճանաչեր երկիրը քո, Գիրք Ե, Ես իմ անուշ Հայաստանի,  
Երևան, Էդիթ Պրինտ, 2012, 120 էջ:
- Օրբելի - 1956, Հայկական հերոսական էպոսը, Երևան, 1956:
- Բյուրքյան Լ.Լ, Տեր-Գրիգորյան Ա., ճանաչեր երկիրը քո, Գիրք Գ, Ծաղկաքաղ հայկական հուշարձանների, Երևան, Էդիթ Պրինտ, 2012, 120 էջ:
- Քյուրքչյան Ա., Տեր-Գրիգորյան Ա., ճանաչեր երկիրը քո, Գիրք Ե, Ես իմ անուշ Հայաստանի,  
Երևան, Էդիթ Պրինտ, 2012, 120 էջ:
- Օրբելի - 1956, Հայկական հերոսական էպոսը, Երևան, 1956:

